

საჯარო სამართლის იურიდიული პირი

სოციალური მომსახურების სააგენტო

ბ რ ძ ა ნ ე ბ ა

№ 04-400/ო

28 / ივნისი / 2012 წ.

სსიპ-სოციალური მომსახურების სააგენტოს 2012 წლის 30 მარტის N04-183/ო ბრძანებაში ცვლილებების შეტანის თაობაზე

„დიალიზის მომლოდინე პაციენტთა რეესტრის წარმოებისა და დიალიზის მოსარგებლეთა მოძრაობის წესის შესახებ“ სააგენტოს დირექტორის 2012 წლის 30 მარტის N04-183/ო ბრძანებაში, მომლოდინეთა რიგითობასთან დაკავშირებული რიგი საკითხების დაზუსტების მიზნით, საქართველოს ზოგადი ადმინისტრაციული კოდექსის 63-ე მუხლისა და საქართველოს შრომის, ჯანმრთელობისა და სოციალური დაცვის მინისტრის 2007 წლის 27 ივნისის N190/ნ ბრძანებით დამტკიცებულ სსიპ-სოციალური მომსახურების სააგენტოს დებულების მე-4 მუხლის საფუძველზე,

ვ ბ რ ძ ა ნ ე ბ ა :

1. „დიალიზის მომლოდინე პაციენტთა რეესტრის წარმოებისა და დიალიზით მოსარგებლეთა მოძრაობის წესის შესახებ“ სააგენტოს დირექტორის 2012 წლის 30 მარტის N04-183/ო ბრძანებაში შეტანილ იქნეს შემდეგი ცვლილებები:

ა) ბრძანების პირველი პუნქტის „ა“ ქვეპუნქტით დამტკიცებული „დიალიზის მომლოდინე პაციენტთა რეესტრის წარმოებისა და დიალიზით მოსარგებლეთა მოძრაობის

წესს“ (დანართი N1) დაემატოს შემდეგი რედაქციის 4¹ პუნქტი:

„4¹. ბენეფიციარის მიერ განცხადებაში მონიშნული პრიორიტეტული მიმწოდებლებიდან, ერთ–ერთში დიალიზის ჩატარების მოთხოვნის დაკმაყოფილების შემთხვევაში, ამ და რიგით შემდგომ პრიორიტეტულ დაწესებულებებში იგი იხსნება მომლოდინეთა რიგიდან. ამასთან, ბენეფიციარი მომლოდინეთა რიგში რჩება მხოლოდ იმ დაწესებულებაში, რომელიც მის განცხადებაში პრიორიტეტულობით უფრო წინ დგას, ვიდრე უკვე დაკმაყოფილებული მოთხოვნა (პრიორიტეტული მიმწოდებელი).“

ბ) ბრძანების პირველი პუნქტის „დ“ ქვეპუნქტით დამტკიცებული „დიალიზის (ჰემოდიალიზი ან პერიტონეული) პროგრამაში მონაწილეობის მსურველი პირის განცხადების ფორმა“ (დანართი N5) ჩამოყალიბდეს ამ ბრძანების დანართით წარმოდგენილი სახით (დანართი N5);

2. სააგენტოს ადმინისტრაციამ (გ. გოგოლაძე) უზრუნველყოს აღნიშნული ბრძანების საჯაროობა.

3. ბრძანება ამოქმედდეს ხელმოწერის დღიდან.

დიალიზის მომლოდინე პაციენტთა რეესტრის წარმოებისა და დიალიზით მოსარგებლეთა მოძრაობის წესი

1. წინამდებარე წესი შემუშავებულია „2012 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის №92 დადგენილების გათვალისწინებით და განსაზღვრავს „დიალიზი და თირკმლის ტრანსპლანტაცია“ სახელმწიფო პროგრამის, (პემოდიალიზით მომსახურება და პერიტონიალური დიალიზით მომსახურება) ფარგლებში დიალიზის მომლოდინე პაციენტთა რეესტრის წარმოებისა და დიალიზით მოსარგებლეთა მოძრაობის საკითხებს.

2. სააგენტოში მოქალაქის განცხადების შემოტანიდან თანხმობის წერილი გაიცემა, განცხადების სააგენტოში დარეგისტრირებიდან (მიღებიდან) არა უგვიანეს 10 სამუშაო დღისა.

3. თანხმობის წერილის საფუძველზე შესაბამისი სამედიცინო მომსახურების მისაღებად, პროგრამაში მონაწილე მიმწოდებელ დაწესებულებაში მკურნალობის დაწყება უნდა განხორციელდეს წერილის გაცემიდან არაუგვიანეს 15 კალენდარული დღისა. წინააღმდეგ შემთხვევაში თანხმობის წერილი ჩაითვლება ძალადაკარგულად და შესაბამისად, მის საფუძველზე მიმწოდებლის მიერ გაწეული სამედიცინო მომსახურების ხარჯები არ ანაზღაურდება.

4. მიმწოდებელთან თავისუფალი ტექნიკური რესურსის წარმოქმნის შემთხვევაში, დიალიზის მომლოდინეთა რეესტრიდან (დანართი N2) მოქალაქეების დაკმაყოფილება, მომართვის თარიღის შესაბამისი რიგითობის დაცვით.

4¹ ბენეფიციარის მიერ განცხადებაში მონიშნული პრიორიტეტული მიმწოდებლებიდან, ერთ – ერთში დიალიზის ჩატარების მოთხოვნის დაკმაყოფილების შემთხვევაში, რიგით შემდგომ პრიორიტეტულ დაწესებულებებში იგი იხსნება მომლოდინეთა რიგიდან. ამასთან, ბენეფიციარი მომლოდინეთა რიგში რჩება მხოლოდ იმ დაწესებულებაში, რომელიც მის განცხადებაში პრიორიტეტულობით უფრო წინ დგას ვიდრე უკვე დაკმაყოფილებული მოთხოვნა (პრიორიტეტული მიმწოდებელი).

5. მოქალაქეთა დაკმაყოფილება რიგითობის დაუცველად შესაძლებელია, თუ:

5.1. მოლოდინის პერიოდის განმავლობაში ტექნიკური რესურსი გათავისუფლდება იმ მიმწოდებელთან, რომელიც რიგის მიხედვით

დასაკმაყოფილებელი განმცხადებლის მიერ არ არის აღნიშნული განცხადებაში, როგორც გეოგრაფიულად ხელმისაწვდომი. ამ შემთხვევაში პირს უნარჩუნდება რიგი, ხოლო გამოთავისუფლებული რესურსის მიხედვით, დაკმაყოფილება რიგით შემდეგი მოქალაქე, რომლისთვისაც ხელმისაწვდომია ტექნიკური რესურსი;

5.2. მოლოდინის პერიოდის განმავლობაში ჰემოდიალიზის გადავადება პაციენტის სიცოცხლეს უქმნის საფრთხეს, ხელოვნური თირკმლის აპარატთან მიერთება უნდა ხდებოდეს შეუფერხებლად, ამასთან მიმწოდებელი ვალდებულია აღნიშნულის შესახებ გააკეთოს შეტყობინება, 2012 წლის ჯანმრთელობის დაცვის სახელმწიფო პროგრამების დამტკიცების შესახებ საქართველოს მთავრობის 2012 წლის 15 მარტი დადგენილება №92 შესაბამისად, ასევე ვალდებულია გადაუდებელი სენსებით მომსახურების დასრულებიდან არაუგვიანეს მომდევნო სამი სამუშაო დღისა წერილთან ერთად წარმოადგინოს მოსარგებლის ფორმა N IV-100/ა, რიგითობის გარეშე პროგრამაში ჩართვის დამადასტურებელი გარემოების მითითებით. ამასთან, თუ აღნიშნულ დაწესებულებაში არსებობს თავისუფალი ტექნიკური რესურსი ბენეფიციარის სურვილის გათვალისწინებით აღნიშნულ დაწესებულებაში პროგრამულ დიალიზზე ჩართვა ხდება ზემოაღნიშნული დოკუმენტების გათვალისწინებით ავტომატურად.

6. თუ პროგრამის მოსარგებლე 15 კალენდარული დღის განმავლობაში არ მიმართვას პროგრამული დიალიზის მიმწოდებელ სამედიცინო დაწესებულებებს შესაბამისი სერვისების მისაღებად, იგი ავტომატურად მოიხსნება როგორც მოსარგებლეთა, ისე მომლოდინეთა რეესტრიდან (დანართი2, დანართ3) . ასეთ შემთხვევაში პირის მომლოდინეთა რეესტრში განმეორებით დარეგისტრირება განხორციელდება საერთო წესის შესაბამისად.

7. პროგრამულ დიალიზში ჩართულ პაციენტს სხვადასხვა გარემოებების (დასასვენებლად ან საჭიროების მიხედვით სხვა ქალაქში, რაიონში გადაადგილების) გათვალისწინებით უფლება აქვს წლის (აღნიშნული პირობა ვრცელდება მხოლოდ „ 2012 წლის ჯანმრთელობის დაცვის სახელმწიფო პროგრამების პროგრამების დამტკიცების შესახებ“ საქართველოს მთავრობის 2012წლის 15 მარტის N92 დადგენილების საფუძველზე გაწეულ მომსახურებებზე). განმავლობაში პროგრამული სერვისების სხვა მიმწოდებელთან (არაპირითად მიმწოდებელი) ჩაიტაროს არა უმეტეს 26 სეანსისა. ამასთან, მიმწოდებლებმა უნდა უზრუნველყონ აღნიშნული ინფორმაციის მიწოდება მათთან აღრიცხვაზე მყოფი ბენეფიციარებისათვის. ასევე, აღნიშნული მოთხოვნების დაცვის მიზნით, პროგრამის არაპირითადი მიმწოდებელი ვალდებულია ძირითად მიმწოდებელს, სადაც დარეგისტრირებულია ბენეფიციარი მიაწოდოს ინფორმაცია, მათთან აღრიცხვაზე მყოფი ბენეფიციარისათვის მომსახურების მიწოდების თაობაზე (ჩატარებული სეანსების რაოდენობის მითითებით), ასევე ძირითადი მიმწოდებლისგან მიიღოს ინფორმაცია აღნიშნულ ბენეფიციარზე სხვა არაპირითად მიმწოდებელთან

ჩატარებული სეანსების თაობაზე და მიაწოდოს ინფორმაცია ბენეფიციარს, თუ რამდენი სეანსის ჩატარების უფლება დარჩა პროგრამულად არაპირითად მიმწოდებლებთან.

8. ამ წესის მე-7 პუნქტით გათვალისწინებული არაპირითად მიმწოდებელთან ჩასატარებელი/ ჩატარებული სეანსების რაოდენობა შესაძლებელია გაიზარდოს ბენეფიციარის წერილობითი მომართვის გათვალისწინებით, სააგენტოს ხელმძღვანელობის გადაწყვეტილებით.

მცხ. _____
მისამართი

მოქალაქე _____
სახელი და გვარი

საკონტაქტო ტელეფონი _____

განცხადება

მხოლოდ იმ მიმწოდებელთან, რომელიც ჩემს მიერ არის მონიშნულ და ჩემთვის გეოგრაფიულად ხელმისაწვდომია.

N	მიმწოდებლის		მონიშვნა ¹
	დასახელება	მისამართი	
1	სს მრავალპროფილიანი კლინიკური საავადმყოფო „რესპუბლიკა“	ზუგდიდი, გამსახურდიას ქ. N206	
2	სააქციო საზოგადოება ალ. წულუკიძის სახ. უროლოგიის ეროვნული ცენტრი	თბილისი, წინანდლის N9	
3	შპს ჯეო ჰოსპიტალს	მარნეული, 26 მაისის ქ. N80 (თბილისი, კოსტავას ქ. N67, ბ.71	
4	სს„კ. ერისთავის სახ. ექსპერიმენტული და კლინიკური ქირურგიის ეროვნული ცენტრი	თბილისი, ჩაჩავას N5	
5	სსიპ „საქართველოს თავდაცვის სამინისტროს სამხედრო ჰოსპიტალი“	გორი, ჭავჭავაძის N56	
6	შპს„აკ. ნ. ყიფშიძის სახ. ცენტრ. საუნივერსიტეტო კლინიკა“	თბილისი. ვაჟა-ფშაველას N29	
7	შპს "მარნეულის რაიონის ამბულატორიულ-პოლიკლინიკური გაერთიანება"	მარნეული, 26 მაისის ქ. N80	
8	შპს „ქ. ბათუმის რესპუბლიკური კლინიკური საავადმყოფო“	ბათუმი. ტბელ აბუსერძის ქ.N2	
9	შპს „წმინდა პანტელეიმონ მკურნალის სახელობის კლინიკა“	ბორჯომი, ვაშლივანის ქ. N4 (სოფ. ყვიბისი)	
10	შპს „აკად. ზ. ცხაკაიას სახ. დასავლეთ საქართველოს ინტერვენციული მედიცინის ცენტრი“	ქუთაისი. ჯავახიშვილის N83ა	
11	შპს „ვია-ვიტა“	თბილისი, ლუმბლიანას ქ. N18/20.	
12	შპს „ვია-ვიტა“ (ბათუმის ფილიალი)	ბათუმი. ტბეთის ქუჩა N 5.	
13	შპს „მაღალი ტექნოლოგიების ცენტრი, საუნივერსიტეტო კლინიკა“	თბილისი, წინანდლის ქ. N9	
14	შპს „ნეფროლოგიის განვითარების კლინიკური ცენტრი“	თბილისი, წინანდლის ქ. N9	

ჩემი ხელმოწერით აგრეთვე ვადასტურებ, რომ გაცნობილი ვარ მონაწილეობასთან დაკავშირებულ პირობებს:

- ✓ მონიშვნა ხორციელდება პრიორიტეტულობის მიხედვით, არაუმეტეს 3 (სამი) მიმწოდებლისა;
- ✓ მომლოდინეთა რიგში ბენეფიციარის შემდეგ მყოფი მოქალაქის მოთხოვნა შესაძლებელია დაკმაყოფილდეს უფრო ადრე იმ მიმწოდებელთან რომელიც არ არის მონიშნული;
- ✓ დიალიზის ჩატარების მოთხოვნის დაკმაყოფილების შემთხვევაში, ბენეფიციარი იხსნება ამ და რიგით შემდგომი პრიორიტეტული მიმწოდებლის მომლოდინეთა რიგიდან; მაგრამ, ამავე დროს ინარჩუნებს პრიორიტეტულობით უფრო წინ მდგომ მიმწოდებელთან მომლოდინეთა რიგს.

ყველივე ზემოაღნიშნულს ვადასტურებ ხელმოწერით.

/ ხელმოწერა/ /თარიღი/

¹ამ გრაფაში მოინიშნება განმცხადებლისათვის სასურველი მიმწოდებელი, პრიორიტეტულობის მიხედვით (1, 2, 3), არაუმეტეს სამი მიმწოდებლისა.